







SCAR 3

B. Jo: de Villas, a.iz. de Zulie, 1556

Jo: de Villas

ALLEGORIAS  
DE LA VIDA

pacis, illas que  
naturae sunt, et  
de corpore nascit  
et mortuus est ipas  
huius, acie pacis,  
de natura equorum  
et animalium.

66666  
22222  
[e]  
[n]



# FUNDAMENTVM LOGI

C A E.

\*

IN TERMINORVM CO-  
gnitionem introductio Iodoci Clichtouei  
Neoportuensis, cum Ioannis Cæsarij com-  
mentarijs.



LVGDVN NI APVD SEB.  
GRYPHIVM,  
1544.



I O. C A E S A R I I  
I V L I A C E N S I S A D S E R  
V A T I V M A E D I C O L  
L I V M E P I  
S T O L A.

V O T I E S in mentem uenit pristina  
nostræ cœsuetudinis ac familiaritatis, Ser-  
uati charifime, præcipue uero illius,  
quod tum de literarum atque artium in-  
stitutione sermones ultro citroq; sepius  
conferre solebamus: & quam molestum nunc sit atque te-  
ditissimum, non modò quasdam artes dediscere (si tamen artes  
dici merentur) uerum multò difficultius, atque molestius,  
eas alijs adhuc tradere, atque docere: non possum non ue-  
bementi uerordia affici ad docendum diutius: presentine  
quòd in his nullum tandem modum uel coniugere liceat. Cœ-  
pi ego aliquando pro institutione artis Grammaticæ ele-  
gantissimum Nicolai Perotti opusculum scholasticis meis  
exhibere, in quo etiam nonnulli citissimè instituti sunt ac  
profecerunt: sed parum (fateor) id nobis tentasse profuit.  
Quin uero & nihil quoq; aut parum prodesse video ipsis  
pueris, tametsi mille nunc huiusc rei opuscula extent, &  
quidem præclarissima, ex quorum tunc uno qualibet plus  
ipsi proficerent in uno anno, quam nunc in tribus, aut cer-  
tè decem, ex Alexandri Galli ineptis atq; superfluis uersi-  
bus. At hæc quidem de institutione Grammaticæ. De Lo-  
gica autem (ut interim de alijs disciplinis taceam) quem-

42 adm



4

## CAESARIUS AEDICOLLIO

admodum nunc ipsa quoque doceatur, quis est etiam pa-  
lo limatus edocitus, qui non huūsmōdt rem derideat? nisi  
quis tam obstinata frōte malit eam defendere, quām in ea  
ipsa denuo instituit, ne ob id iam nihil antea didicisse ui-  
deatur. Sunt tamen & inter nostrates quoq; qui nihilominus aperte etiam aliam instituēti uiam in hac ipsa ag-  
grediuntur. Inter eos autem qui idipsum iandudum face-  
re tentauerunt, præcipius est Iacobus Faber Stapulensis,  
uir equidem doctissimus, qui quantum in ipsa Logica Ari-  
stotelis non modo dignis quibusdam annotationibus illu-  
stranda, uerum etiam & castiganda, & à corruptione  
uindicanda elaborauerit, ipsa eius opera planè indicant,  
atque ostendunt. Extant præterea pulcherrimæ Introduc-  
tiones eiusdem in Dialecticam cum elegantissimis con-  
mentarijs Iodoci Clichtouei, cuius nos nunc quandam li-  
bellum titulo & inscriptione de cognitione terminorum,  
Introductiorum in Logicam, nostro more brevibus qui-  
busdam commentarijs elucidare curauimus, quæ & tibi  
iam nunc, mi Seruati, recognoscenda destino. Et utinam  
tam bene, quām libenter aliquid scribere pro recta insi-  
tutione doctrinarum possemus. Tu itaque si ea uel

mediocriter probas, ad maiora fortassis  
nos incitabis, uel talia, uel similia  
conscribere. Vale. ex Da-  
uentria, Idibus  
Nouēbri-  
bus,

IODO

IODOCVS  
CLICHTOVEVS NEO-  
portuensis adolescentibus bona-  
rum artium studiosis.

R A D I T Aristoteles in phy-  
siciis, omnem rē naturalē quan-  
titate determinatam esse, ut ne-  
que in immensuni excrescere  
possit, neque quantulumq; de-  
crescere, sed maximo ac mi-  
nimo certis quidem limitibus  
definitam subsistere. Sic & cuique scientiæ sui sunt  
fines, ultra quos, citraq; non progreditur, utpote  
maximum quod considerat, & minimū. Quod  
ipsa Grammatica satis ostendit, cuius maximū est  
Oratio Latina. Nam maius quicquā oratione nō  
differit; eius uero minimū est Litera, cum minus li-  
teris illa non trādat. Et quemadmodū natura exi-  
guæ molis rem primō producit, quām paulatim  
maiores reddit, quo usq; perfectū assedit fuerit  
incremētū: ita sane omnis disciplina naturæ æmu-  
la à minimis in ea suum sumit exordiū, & deinde  
ad maiora sensim procedit, ut Grāmatica à literis  
prima iacit fundamēta, & demū ad orationis con-  
textum perducit. Logicæ autem minima, Terminī  
sunt & Dictiones, citra quæ dialecticus resolutio-  
nē nō molitur. Nō enim in literas diducit aut sylla-

a 3

bas,



bas, neq; de eis pertractat. Quocirca operæ pretiū ac utile mihi uisum est, nōnulla de Terminis breui uscula introductiōe perstringere, quæ prægustata ad apertiorē Logicæ intelligētiā uia parent, ac adiūtū. Hoc itaq; opusculū Iuuenes bonarū artiū amantissimi, uestræ utilitatis habita ratione, duntaxat emissum benigni suscipite, & ex ipso uel rudē terminorum descriptionem cognoscite, atcq; Valete,

FOR M V L A D I V I S I O N I S E O-  
rum quæ in hoc libello continentur.

Terminus	Absolutus
Rei	Communis
Propositionis.	Singularis.
Terminus propositionis	Communis
Vocalis	Primæ intentionis
Scriptus	Secundæ intentionis.
Mentalis.	Secundæ intentionis
Vocalis	Logicus
Vniuocus	Non logicus.
Aequiuocus.	Logicus
Vniuocus	Divisio
Categorematicus	Divisum.
Mistus.	Membra diuidentia
Categorematicus	Definitio
Materialis	Definitum.
Personalis.	Argumentatio
Personalis	Antecedens
Complexus	Consequens
Incomplexus.	Maior
Incomplexus	Minor
Absolutus	Concedere
Connaturius.	Negare
	Distinguere.

TER

I N  
T E R M I N O R V M

C O G N I T I O N E M I N-

troductio Iodoci Clichtouei Neo-

portuenſis, cum familiari

Ioannis Cæſarij de

clarati-

one.



E R M I N V S est, quod aliquid claudit, & terminat.

Terminus rei, est cuiuslibet rei finis ac ultimum.

Terminus propositionis, est propositionis extremum.

I N T R O D U C T I O hæc (ut & aliae plerūq; facere solēt) tria continet. Primo Diuisiones ipsius termini, cuius principaliter hic iā cōsideratio agitur. Deinde Definitiones eorū, quæ in diuisionis formula ponuntur. Terziò, Regulas quasdam per pulchras & utiles. Primo itaq; diuiditur terminus in terminū rei, & in terminū propositionis. Verū quia hic libellus ad Logicam introductoryus est, sub cuius cōsideratiōe & Propositionis cōsideratio fit prosecutio, relicto interim termino Rei: nam eius consideratio potius ad Geometriā pertinet. Iḡt̄ statim post primā diuisionē, quæ fuit ipsius Termini generaliter accepti, subsequitur diuisio termini Propositionis, qui triplices est, ut ex ipsa diuisionis formula clarè intueri licet. Deinde mox quoq; subsequitur continuè di-

a 4 uisio



## FUNDAMENTVM

Terminus.

Punctum.  
Linea.  
Superficies.

iusio termini vocalis, cuius quidē diuisio hic potius subiungitur: quod eo in Logica tradenda frequentius utamur, sub quo tamen cætera membra terminū Propositionis coniudentia continentur. Atque ita deinceps suo ordine usque ad ultimum paragraphum. Interim autem scendum, quod quamvis diuisione facta alterum tantum membrorum subdividatur: reliqua tamen membra coniudentia in plerisque diuisionibus intelligenda sunt consimiliter posse diuidi: ut terminus Scriptus, & terminus Mentalis, eodem quoque modo diuidi debent, quo Vocalis diuiditur. Et terminus Cōplexus sicut terminus Incomplexus: & rursus terminus Cōnotatiuus sicut terminus Absolutus, & ita in alijs. Post ultimum autem paragaphum propriè non est diuisio alicuius, utpote termini Logici, sed numeratio duntaxat quorundam terminorum Logicorum: eorum uidelicet, qui ad aliquantulum Diuisionis, Definitionis, & Argumentationis (quæ tria in Logica præcipue traduntur) cognitione sunt necessarij. His ita dispositis & declaratis, consequenter ea omnia, quæ prius diuisa sunt, seruato eodem prorsus ordine, propria quæque definitione declarantur. Et primò quidem Terminus communiter acceptus definitur, quod est ens aliquid claudens & terminans: ut exempli gratia, sit datum lignum quodlibet, eius longitudo clauditur puncto: Nam Punctū est longitudinis extremum, eius uero latitudo Linea, & profunditas Superficies, ultra quas quidem tres dimensiones, nulla alia in rebus dimensio reperitur. Sed hec exactius ex Geometria cognoscuntur. Rursum sit data propositionis Homo est animal: huius propositionis Hoc

mo atq;

## LOGICAE.

9

mo atq; Animal termini sunt, quod eam claudant ac terminent. Sciendum sanè hic quoq; est, quod in definitione termini communiter accepti Ens transcenderetur accipitur tam pro eo quod in anima est, quam pro eo, quod est extra animam. Quod enim non est Ens, nusquam est: ex quod nusquam est, nec Ens quidem est. Deinde in definitione termini Rei, Cuiuslibet, non uniuersaliter, sed particulariter accipi debet, per regulam, Signa uniuersaliter in definitionibus posita, particulariter accipiuntur. Et hic iam Res, non communiter seu transcenderetur accipitur pro ente, sed propriè pro eo quod non est signum. Quid autem sit Signum, & quomodmodum à re differat, postea latius dicemus. Finis item & Ultimum non accipiuntur hic pro eo solum, in quod aliquid definit, & terminatur: sed indifferenter pro eo, à quo aliquid incipit, uel in quod aliquid definit.

Propositio, est oratio indicatiua, uerum uel falsum significans.

Oratio Indicatiua est, quæ ex uerbo indicatiuo constituitur.

Extremum, est Subiectum uel Prædicatum.

Subiectum, est extremum propositionis, copulam uerbalē præcedens. Prædicatū uerō, sequēs.

Copula uerbalis, est uerbum substantiuum, propositionis extrema copulans.

QVI A uero superius definitus est terminus propositionis, esse propositionis extremitate. ideo ne ex ignotis data esse termini definitio uideatur, quid sit Propositio, & quid Extremum continuè subiungitur. De Propositione

4 5 exempl



## FUNDAMENTVM

exemplum, ut Homo est animal: nam est oratio indicativa: uerum vel falsum significans: significat enim uerum, & perinde ac res se habet. Similiter, Homo est lapis: est quidem Propositio, sed falsa: nam significat falsum, & aliter quam res se habet. Vnde ex predictis talis colligi potest propositionis divisione: Propositionum haec quidem Vera est, haec autem Falsa. At huius divisionis membra posterius exactius declarabuntur. Deinde definitur extremum propositionis, quod est Subiectum propositionis vel Prædicatum: ut in hac propositione Homo est animal: Homo extrellum est illius propositionis, quia Subiectum eius copulam uerbalem præcedens: Animal etiam est extrellum, quia eiusdem propositionis Prædicatum, sequitur enim copulam uerbalem. Copula autem uerbalis est (ut postea quoque definitur) uerbum substantiuum propositionis, extrema connectens ac copulans. Que quidem copula si interdu cum ipso prædicato in uerbo aliquo includitur, illud statim resoluendum est in suum participium, & uerbum substantiuum: Currit, id est, est currens: Amo, id est, sum amans: per Regulam, Ad propositionem implicitam ne respondas, priusquam explicueris illam. Sic propositio, Homo currit, resolvitur, homo est currēs. Est præterea hic notandum, quod nihil resert, neque etiam contra subiecti & predicati prius datas definitiones esse debet, si nonnunquam inueniantur apud bonos autores subiectum & prædicatum in propositionibus transposita, dummodo solum sit transpositio uocum, non etiam intelligentiae: ut esto, semper intelligatur homo subiectus terminus, & animal prædicatus, haec omnes una eademque proposi-

## LOGICAE

propositio erunt, homo est animal, animal est homo: item homo animal est, animal homo est: item, est homo animal, est animal homo. Verum si intelligentia mutetur, mutabitur quoque & oratio, & proinde tales orationes non una eademque propositio erunt, sed diuersae. Nam alia item & alia intelligentia est huius orationis, Homo est animal, & huius, Animal est homo, si homo in una subiectus terminus est, atque intelligitur, in altera uero prædicatus. Atque hoc etiam est quod uult Aristoteles in Peri hermenias, Nomina (inquit) & uerba transposita idem significant.

Terminus Vocalis, est terminus qui ore proferatur. Scriptus, qui scribitur. Mentalis uero, qui mente concipitur.

RECTE quidem à Dialecticis termini appellantur prædicatum & subiectum, hoc est, simplices uoces & dictiones, eas scilicet ratione, qua id superius iam saepius declaratum est. Quanquam Aristoteles & Boëthius aliam huius rei rationem assignant. Aristoteles quippe ita terminum definit, Terminum autem uoco, in quo resolutur propositio, ut Prædicatum, et id de quo prædicatur, id est, Subiectum. Nam subiectum dicitur, quod prædicati suscipit dictiōnem: prædicatum uero, quod dicitur de subiecto. Boëthius autem sic definit terminos, Termini dicuntur, quod in eos postrema fit resolutio. Veruntamen haec nihil a se discrepant. Siquidem eadem uia est, & compositionis & resolutionis. Vnde quod superius in textu dictum est, terminus est extrellum propositionis, compositionem respicit: quod uero ab alijs aliter dicitur ad resolutionem pertinet: atque ita parum distare uia detur



## FUNDAMENTVM

Termini uoca-  
bulo abutitur  
Termini uoces, qui cum Grammaticam  
Grammatistæ tradunt, ipsas dictiones siue alioqui Vocabula, siue Vo-  
ces appelles, Terminos ubique uocant: dicunt atque clas-  
mant, Est elegans terminus. Item libellus quidam apud  
illos circumfertur, qui inscribitur de Elegantia termi-  
norum: sed quam ridiculè & absurdè dicant, ipsi vide-  
rint. Nos iam exēpla applicemus, ut quis terminus in lo-  
gica uocalis dicatur, & quis scriptus, & quis mentalis,  
planè intelligatur. Hoc autem melius fortasse fiet, si prius  
Propositio triplicem quoq; propositionem esse secundum eandem di-  
triplex. distinctionem annotauerimus, utpote aliam esse proposizio-  
nem uocalem, aliam scriptam, aliam mentalem. Vocalis  
Scripta, quidem propositio est, que ab ore profertur. Scripta, que  
scribitur uel in membrana, uel in papyro, uel alia aliqua  
Mentalis, materia. Mentalis uero, que in mente continentur atq; con-  
cipitur. Ita iam huius propositionis, Homo est animal: ho-  
mo & animal sunt termini uocales, si ipsa propositio ore  
depromittitur: si uero scripta tantum est, & ipsi termini, ho-  
mo scilicet & animal, scripti termini appellantur. Quod  
si hæc eadem propositio in mente solum consribitur, eius  
quoq; termini mentales termini rectè appellantur. Et uo-  
calibus terminis siue etiam propositionibus uocalibus  
utuntur, qui Logicam alijs tradunt. Qui uero secum dispu-  
tando eam inuenierunt, usi sunt terminis ac propositioni-  
bus mentalibus. Qui denum eam literis mandauerunt, ut  
scilicet non sibi solum, sed posteris etiam consulenter ac  
providenter, usi iam sunt & terminus & propositionibus  
scriptis.

Termi

## LOGICÆ.

Terminus Vniuocis est, qui unica ratione signi-  
ficationeç sua significata significat.

Aequiuocus, qui diuersis. Aequiuocus, Ho-  
monymus, idem.

H O M O si ad unum quemlibet uiuum hominē refer-  
tur, terminus est uniuocus: nam omnes homines, hoc est  
illa sua significata unica ratione significationeç signifi-  
cat. Neq; uero ista dictio, significata, hic designat signifi-  
cationum pluralitatem, sed rerum significatarum multi-  
tudinem: mo in Logica quelibet inferiora ad superius co-  
parata, sunt atq; dicuntur ipsius superioris significata. Id ē  
autem terminus Homo, si ad hominē alium quidem uiuum,  
alium autem pictum refertur, terminus est æquiuocus. Nam  
non unicaratione illos significat, sed diuersis significati-  
onibus, & conceptibus. Neq; inconueniens putetur, eun-  
dem terminū nunc quidem uniuocum, nunc uero æquiuocū  
dici. Si quidē illud fit non uno respectu, sed diuersis, id est,  
respectu diuersorum. Deinde subiungitur interpretatio  
Aequiuoci, cum dicitur, Aequiuocus, Homonymus, idem:  
nam idem sunt, sed hoc Græcum est, illud uero Latinum.  
At de Vniuocis & Aequiuocis satis superq; dictum sit:  
quod eorum determinatio exactius ex Aristoteli decem  
prædicamentis haberi posset, atq; etiam exigatur.

Terminus Categorematicus est, qui aliquid sa-  
gnificat, & syncategorema non includit.

Significare, est præter seipsum intellectui quic-  
quam repræsentare.

Terminus Categorematicus, Terminus signifi-  
catius, Categorema, idem.

Termi



## FUNDAMENTVM

Term. Mistus. Terminus Mistus est, qui terminum categorēmaticum simul & syncategorema includit.

Syncategorema est, quod per se nihil significat, alijs tamen dictiōibus in oratione adiungitur.

Syncategorema, Consignificatiuum idem.

QVI nouissimè Logicam tradere cōperunt, utpote post Aristotēlem & Theophrastū Græcos, & Varroñem & Boëthium Latinos, ad tantas obliquitates & obscuritates delapsi sunt, omissa interīm recta ex pulchra intelligentia eorum scilicet, quæ in Logica ab illis antiquitus tradita sunt, ut si nunc alijs etiam Oedipus adesset, uix tamen eos ex huiusmodi tenebris eripere posset. Verum hic prolapsus non nisi ex quibusdam syncategorematibus (ut omnium doctorum uirorum certa opinio est) ortus est, atque effluxit. Quia ergo nostris (proh) seculis Logica traditur non nisi per hæc Syncategorematata, consulte nobiscum hic actum est, ut de ipsis quoq; Categorematicis & ex Syncategoremate mistis terminis disseratur: non quidem quod utilitatem aliquam in se habeant, sed quod quicquid ipsi (qui hæc introducunt & tractant) de his sentiunt, nos etiam non ignorare omnino credant. At satis tamen fuerit hæc ipsa uel in transitu uidisse. Itaq; quid sit terminus Categorematius aperte in textu docetur, atque declaratur. Et nota quod non fit diuisio huiusmodi termini in terminum Syncategorematum: quod purum Syncategorema terminus, id est extremum propositionis esse non posse. Reclit ergo diuisio facta est, in terminum Categorematum, & in terminum Mistum. Mistus autem terminus dicitur,

## LOGICAE.

dicitur, quod includat in se categorēma cum syncategoremate, ut est terminus Nihil, quod ualeat nullum ens: item Aliiquid, id est, aliqua res, & quædam aduerbia, talia sunt, ut Semper, Vbiq; Hic, Illic, & cetera. Exemplum de termino Categorematico, ut Homo. Nam est terminus aliqui rei significatiuu, non includens syncategorema. Exemplum de Syncategoremate, ut Omnis, Nullus, & pleraq; aduerbia, ut aduerbia negandi, affirmandi, & uocandi, & coniunctiones omnes, & præpositiones, & ininterjectiones. Quia uero in definitione termini categorēmatici ponebatur hoc uerbum Significat: eius mox definitionem, quod est significare, subiungit, dicens, Significare Significare, est præter seipsum intellectu quicquam repræsentare. Et Quicquam hic indifferenter accipitur, secundum numerum, pro eo quod est, aliquid uel aliqua, per regulam, In Regulis, definitionibus uocabula indifferenter secundum numerum intelliguntur: & item alia regula, Verba in definitionibus non actum, sed aptitudinem important. Additur præterea in ipsa definitione, Præter seipsum, propter uoces non significatiuas, ut, bu, ba, baff, quæ nihil aliud præter seipsum significant, atque ideo non dicuntur significare, nisi tamen seipsum aliquis terminus ex impositione significaret, ut hæc dictio Vox, quæ seipsum solum repræsentat, & tamen significat, quia ex impositione illud importat. Subiungitur deinde interpretatio tam termini categorēmatici, quam ipsius syncategoremati. Nam idem sunt terminus Categorematius & Categorema. Idem quoq; sunt Syncategorema & Consignificatiuum.

Terminus Materialis est, qui pro sola uoce, cum  
cam



## FUNDAMENTVM

eam ex impositione non significet, accipitur. Terminus materialis, Terminus materialiter acceptus, idem.

Terminus personalis est, qui pro re ipsa, quam ex impositione designat, sumitur. Terminus personalis, Terminus personaliter acceptus, Terminus significatiuè acceptus, idem.

OMNIS terminus siue dictio accipitur aut Materialiter, id est, pro sola uoce, in qua scilicet pronuntiatur: aut Personaliter, id est, significatiuè pro re ipsa. Exemplū de termino materiali, ut in hac propositione, Homo est nomen tertiae declinationis: terminus Homo materialiter accipitur, ut pote solum pro uoce: nam uox ipsa Homo, secundum quam profertur, est tertiae declinationis, nō etiam ipsa res per uocem significata. Exemplum de termino personali, ut in hac propositione, Homo ambulat: Homo pro re ipsa, quam ex impositione significat, accipitur: non autem pro uoce, quod uox minime ambulare posset. Sed et hoc alibi exactius declarabuntur. Quod autem interponitur in definitione termini materialis, quod est Cūm eam ex impositione non significet: tantum ualeat, ac si diceretur: Sunt quidam tamen termini, qui et ipsam etiam uocem significant, et pro uoce accipiuntur, cūm pronuntiantur: non tamen materialiter tunc, sed personaliter accipi debent, quod eam ex uolūtate et placito primi instituentis significare sint impositi: ut subiecta haec propositionem, Omnis uox ore profertur, Omnis sonus auribus percipitur. Veruntamen nihil prohibet huiuscmodi quoq; terminos materialiter accipi posse, ut in hac

## LOGICAE.

hac propositione, Vox est generis fœminini: Vox, non pro re ipsa, que et uox est, et nihil aliud nisi uox, accipitur: sed pro sola et mera et nuda uoce, secundū scilicet pronunciationem. Atq; ideo si haec particula Cūm eam ex impositione non significet, non fuisset adiecta, nihilo tamen minus definitio fuisset bona, atq; integrā, per illam partculam, pro sola uoce: sed credo ego eam adiectā propter Sophistarum cauilllos. Est etiā hic illud quoq; notandum, quod in definitione termini personalis ista dictio Res, generaliter accipiatur pro ente, prout etiam extendat se ad signa, ut in hac propositione, Species prædicatur de pluribus differētibus numero: ibi Species significatiuè, id est, personaliter, accipitur, non quidem pro rebus, sed pro signis, de quibus postea etiam exactius disputabimus.

Terminus Incomplexus est simplex terminus, & ex pluribus dictionibus minimè constitutus.

Complexus uero, qui ex multis cōstituitur dictionibus.

HIC iam illud solum aduertendum est, quod dictiones composite figurae tametsi ex pluribus dictionibus constare uideantur, non tamen dici debent termini complexi, sed termini incomplexi. Et propter ea in definitione termini complexi, illud subintelligi debet, Ex multis, scilicet dictionibus non facientibus unum uocabulum, aut integrum dictionem. Exemplum de termino incomplexo, ut Homo, item leo, item currit, et c. horum enim quodlibet dictio est simplex. Exemplum de termino complexo, ut Homo albus, et una quilibet oratio, seu ex adiectivo et substantivo, seu ex nominativo et uerbo, seu ex relativo et ante-



## F U N D A M E N T U M

cedente, siue utcunq; alias ex dictione regente & dictio-  
ne recta constituta.

Terminus Absolutus est, qui solum illud, pro  
quo in propositione supponit, significat.

Connotatiuus autem, qui ultra id ipsum aliud  
importat. Et hic præterea Concretum dicitur, &  
Denominatiuum. Substantiuum autem ei uoce  
& significato respondens, Abstractum eius est &  
Denominans.

Q V A N Q V A M hic locus paulò obscurior esse uide-  
tur, quam hæc introductio exigat, eo quod nihil adhuc de  
Suppositione dictum sit: potest tamen interpres ipse, &  
qui huc libellum declarandum suscipit, facilimè enodare  
etia per sola exempla, quid sibi uelint hæc definitiones: in  
quarū prima dicitur, Terminus absolutus est, qui solum id  
pro quo in propositione supponit, significat. Sit ergo pro-  
positio, Homo est albus: Homo, terminus est absolutus, quia  
solum illud significat pro quo in ipsa propositione suppo-  
nit: Supponit autem pro omnibus hominibus disjunctiū,  
hoc est, uel pro isto, uel illo, uel alio ullo. Sit item alia pro-  
positio, Album currit, albū terminus est connotatiuus, quia  
ultra id ipsum, pro quo in propositione supponit, aliud im-  
portat: supponit enim pro re alba, hoc est, pro re aliqua  
subiecta, & insuper importat albedinem. Nam sensus est,  
Album currit: id est, alba res currit, uel res habens in se  
albedinem, uel res albedine affecta currit. Terminus au-  
tem pro illo in propositione supponit, de quo uerificatur  
mediante copula siue propositionis: id est, quando mediatae  
eadē copula, uerificatur de pronomine, eam rem pro qua  
supponit

## LOGICÆ.

supponit demonstrante, ut in hac propositione, Homo est  
animal: iste terminus Homo, supponit pro Petro, uel alio  
aliquo huiusmodi hominē particulari, quia eo ipso demon-  
strato, uerum est dicere, Hoc est homo. Similiter & iste  
terminus Animal, supponit pro eodem Petro, quia eo ipso  
demonstrato, uerum etiam est dicere, Hoc est animal. Ita-  
que terminus connotatiuus supponit pro subiecto, in quo  
est accidens, & ultra id adhuc significat ipsum accidens,  
quod in illo est subiecto, & explicatur per nomen ab-  
stractum. Vnde hic notandum, quod nomina Abstracta,  
& nomina Concreta, uocabuli sunt nudiusertius nata,  
hoc est, à non multo tempore usurpari coepit, loco quo-  
rum qui syncerius in Logica loquuntur, dicerent po-  
tius Denominantia & Denominatiua: & hæc in Gram-  
matica appellantur Adiectiva atque Substantiva. Quid  
autem sit Denominatiuum, & quid Denominans alio in  
loco, hoc est, ubi de decem predicamentis tractatur, ex-  
actior solet esse inquisitio: Nos igitur hic supersedeamus.  
Dicitur postremò in textu, Substantiuum autem ei & uo-  
ce & significato respondens, quod talem intelligentiam  
habet, Substantiuum nomen tunc Adiectivo uoce respon-  
det, quando cum eo conuenit in principio, & differt in  
fine, ut fortis & fortitudo. Significato tunc quoque re-  
spondet, quando idem per adiectiuum importatur, quod  
substantiuum significat. Sic ergo Virtus, & Virtuosus,  
non sunt propriè concretum & abstractū, siue denomi-  
nans & denominatiuum, quod alterum non conuenit cum  
altero in significato: Non enim Virtuosus Latinè dicitur,  
sed illius loco nunc dicimus Studiosus. Estq; Studiosus qui Studiosus.



uirtutibus operam impedit, uirtutibusq; prædictus est. Neque tamen Virtus & Studiojus concretum & abstractum, siue denominans & denominatiuum dici debent, quod alterum non conuenit cum altero in principio, & differt ab eodē in fine, licet significato quodam modo respondeant. Vnde & illud breuiter notandum hic est, quod triplicia sunt nomina concreta & abstracta, siue denominantia & denominatiua, scilicet uoce tantum, significatio=ne tantum, uoce pariter & significacione, & hec propriè talia dicuntur. Sed de his alibi latius.

Terminus Communis est, qui natus est prædicari de pluribus.

Prædicari, est uerè & affirmatiuè de aliquo enūtiari. Terminus Communis, Vniuersale, Prædicabile, idem.

Terminus Singularis est, qui de pluribus prædicari non potest. Terminus Singularis, Terminus Discretus, Singulare, Individuum, idem.

Quia ratione in Logica termini dicti sint, superius sæpe declaratum est. Sunt autem duplices, alijs quidē Communes, alijs uero Singulares siue Discreti. Quid uero sit terminus tam communis quam singularis, ex textu facile haberi potest. Verum tamen sciendum est, quod hic definitur terminus Communis nomine & re: id est, qui habet rationem significandi communem, & præter id plures res significatas: ut, Homo, Animal, Lapis: propterea neq; Sol, neq; Luna hic termini communes appellari possunt, quod non habeant plures res significatas, de quibus prædicari possint, quanquam habent rationem significandi communem.

nem. Huiusmodi ergo termini mediij quodam modo sunt inter terminum Propriè communem, hoc est, re & ratione communem: & terminum Singularem: cum uocē quidem habeant communē, rem unicam & singularem. Exemplum de termino communi, ut Homo: nam de pluribus prædicari potest: ut, Socrates est homo, Plato est homo, & ita de alijs. Neq; uero hic Prædicari latè communiter ue ac= cipitur, prout idem sit, quod esse prædicatum in qua=cunq; propositione siue uera, siue falsa, siue affirmatiua, siue negatiua, sed propriè & simpliciter, prout idem sit quod esse prædicatum in propositione uera & affirmatiua, ut hic, Homo est animal. Quod si quis hic obijciat, terminum singularem de pluribus quoq; prædicari posse, ergo ineptissimam esse diuisionem superius factam. Quod termini alij communes sint, alijs singulares: rursumq; defini=tionem termini singularis esse falsam, qua dicitur, Terminus singularis est, qui de pluribus prædicari non potest. Respondebitus ipsam diuisionem neq; ineptam esse, neq; quoq; definitionem esse falsam: sed illud subintelligi in defini=tione termini singularis, Terminus singularis est, qui de pluribus prædicari non potest. De pluribus subaudi, supponentibus quidem pro diuersis. Vnde hic terminus singularis non prædicatur de pluribus, Homo est Socrates: item, Animal est Socrates: item, Substantia est Socrates: quia Homo, Animal, Substantia, hic pro eodem accipiuntur atq; supponunt. Rursum obijciet forsitan nobis aliquis, quod adhuc poterit de pluribus, & ijs quidem diuersis prædicari terminus singularis: ut, demonstrato uno aliquo homine, dicere possumus, Hoc est Petrus, &



## FUNDAMENTVM

alio item homine, Hoc est Petrus, item & alio similiter dicere possumus, Hoc est Petrus ergo definitio data erit falsa. Dicimus quod hoc quoties fit, fit non uniuocè, id est, non secundum eandem rationem: sed æquiuocè, id est, diversis conceptibus. Et per hoc terminus singularis partim conuenit cum illis nominibus, Sol, Luna, Mundus, de quibus paulo superius disputatum est: & partim disconuenit, quod res quidem significata interdum plures habeat, de quarum pronomine demonstrante eas toties praedicari posit, quoties rationem significandi communem non habeat. Quod utrumque tamen, ut supra ostensum est, requiritur ad hoc, ut aliquis terminus propriè & simpliciter dicatur communis. Breuiter autem quod in Grammatica dicitur nomen Appellatum, id in Logica uocatur Terminus communis. Et quod in Grammatica nomen est Proprium, id in Logica est terminus Singularis.

Terminus Primæ intentionis est, qui significat res quæ non sunt signa. Terminus primæ intentionis, Terminus primæ impositionis, Terminus primæ intentionaliter sumptus, idem.

Terminus Secundæ intentionis est, qui solum signa significat.

Signa, signa doctrinalia. Terminus secundæ intentionis, Terminus secundæ impositionis, Terminus secundæ intentionaliter acceptus, idem.

Signum. Signum est, quod præter seipsum aliquius est significativum. Quod quidē si res sit, quæ neq; sig. reale, est vox, neq; scriptura, neq; cōceptus, Signum Reale dicitur.

## LOGICAE.

dicitur. Si uero tale signum terminus est, aut ex terminis compositum, & ad doctrinam accommodatum, Signum est Doctrinale.

Doctrinale;

Vox, Scriptura, Conceptus.

B E A T V S Augustinus in primo de doctrina Christiana libro talem ponit disciplinarum distinctionem, Omnis (inquit) doctrina, aut est rerum, aut signorum. Et paulo post: Res per signa discuntur. Et item post pauca, Omne (inquit) signum aliqua res est. Quod enim nulla res est, omnino nihil est. Non autem omnino res etiam signum est. Atque ita patet, non nihil differentiae esse inter Res & Signa, de qua quidem superius quoque breuiter tetigimus. Miror itaque, (licet quæso paululum hic nunc euagari) nixor inquam quorundam stolidam proteruitatem, qui Logicam non de signis, sed de rebus speculationem habere credunt. Et si hoc de Logica credunt, quare id etiam de Grammatica & Rhetorica non sentiant, magis admiror. Si quidem hæ tres disciplinæ in sermonem totæ uergunt. Quod si hoc quoq; de Grammatica & Rhetorica sentiunt ac credunt, dicant ergo nunc rogo, quantum disciplinam signorum uelint? Quod si nullam dederint, ergo Augustini disciplinarum distinctio erit profectò ineptissima. Quod si idcirco Logicam de rebus speculari principaliter contendunt, quia ab eo quod res est, uel non est (ut Aristoteles ait) oratio uera dicitur, uel falsa: Mira res est, uel potius ridicula. Non enim hi uident, uel plane in totum cecutiunt, nullum fermè exemplum ab Aristotele in Logica adduci, quod non sit uel ex literis non significatiuis conflatum, ad denotandam latam



illius discipline communitatem, per indifferentem applicationem ad alias disciplinas: uel non sit ex alterius cuiuspiam discipline uocabulis constructum. Quid ergo restat, nisi ut dicant, Logicam de omnibus principaliter rebus considerare, uel omnino de nulla, & per hoc esse doctrinam signorum, quod necesse est concedant, nisi quia etiam signum res aliqua est, ideo neque signorum disciplinam esse. Sed nos iam superius, quæ esset differentia inter res & signa, satis (ut arbitror) explanauimus. Hucusque uagatum est, nunc ergo ad institutum reuer tamur. Quia igitur res quidem semper significatur, signum autem non semper, sed aliquando: & ut dictum est, omne signum res quoquo modo est, fit ut alius sit Terminus primæ intentionis, qui res primo & principaliter significet: Alius uero sit Terminus secundæ intentionis, qui significet ipsa signa: quos quidem terminos secundæ intentionis Boëthius appellat Nomina designatiua, quod aliorum nominum sint significatiua. Scendum uero hic est, quod nemo unquam ex antiquis & solidis huius artis autoribus de terminis aut primæ aut secundæ intentionis meminerit, sed à neotericis & recentioribus philosophis huiusmodi loquendi modus nuperrimè introductus est, atq; usurpatus. Et proinde quia hi nunc sunt, qui ludos ad docendum Logicam aperiunt, & inter docendum frequenter tales termini intercurrunt, opera pretrum putauit huius libelli autor de his breuiter hic disserere. Quin & ego quoque eadem de causa non inutile conieci, si de ipsis (quantum nobis satis uisum fuerit) plano sermone (ut ubique facere instituimus) prosegue

rer

rer ac continuarem. Sumatur ergo exemplum de termino primæ intentionis, ut Homo. Nam significat res, quæ non sunt signa, utpote omnes homines, qui neq; sunt uoces, neq; scripturæ, neq; conceptus. Exemplum de termino secundæ intentionis, ut Nomen, Verbum, Subiectū, Prædictum, Propositio, Syllogismus, &c. Et ut sequens definitio nem interpretatio ostendit, terminus secundæ intentionis solum debet significare signa doctrinalia. Vnde sciendum est, quod duplia sunt signa, Realia scilicet & Doctrinalia. Et signum quidem Reale est res, quæ neq; uox est, neq; Signū Reale, scriptura, neque conceptus, præter seipsum tamen est ali cius significatiua: ut Iris signum est pluiae, & circulus ad tabernam suspensus signum est uini uenialis, id est, uini quod illie uenditur: similiter imago crucifixi, statua Iouis sive Herculis. Signum autem Doctrinale est, quod est ter minus, aut ex terminis compositum, & ad doctrinam accommodatum, & quod præter seipsum alicuius est significatiuum: ut Homo, Lapis, Lignum. Signum enim uniuersaliter id esse definitur, quod præter seipsum alicuius est significatiuum. Augustinus autem ita definit, Signum est res præter speciem, quam ingerit sensibus, aliud aliiquid ex se faciens in cognitionem uenire: ut, Iris signum reale facit in cognitionem nostram pluiam uenire. Sic cum dico, Homo ambulat: terminus Homo, signum est doctrinale, faciens in notitiam alicuius uenire rem illam quæ est homo, uel per terminum homo significatur. Sic etiam cum dico, Nomen est pars orationis: sive, Nomen est uox significatiua secundum placitum: terminus Nomen, aliud aliud in cognitionem uenire facit, puta b 2 alias



alias uoces, que per nomen designantur, ut homo, lapis, lignum, animal, uestis, substantia, corpus, & infinita alias, que omnia communitate nominis continentur: atque ita quoq; de alijs. Postremò subiçuntur in fine textus tria uocabula, per que triplicia signa doctrinalia inueniuntur. Nam signum doctrinale, aliud est Vox, aliud Scriptura, aliud uero Conceptus. Sed hęc iam per se cognosci possunt, & quodam modo per analogiam unius ad alterum.

Terminus Logicus, est terminus secundæ intentionis, qui logicæ est determinationis.

Non logicus, qui ad alterius disciplinæ rationales considerationem spectat.

Disciplina rationalis est, quæ præcipuam sermonis curam, peculiaremq; determinationē agit. Grammatica, Logica, Rhetorica.

Congruum, Verum, Ornatum.

Disciplina rationalis, Disciplina sermocinalis, idē.

S I C V T dictum est superius ex sententia beati Augustini, Omnen disciplinam esse aut rerum, aut signorum: id est, uocum, atq; dictionū, & sermonū: Ita nunc dicere possumus, Aliam esse disciplinam Realem, aliam Sermocinalem. Veruntamen quecunq; disciplina de signis, id est, sermonibus præcipuam curam agit, res omnino non separata a spernit, sed rebus interim utitur exempli causa, propter sermones. Sic & disciplina Realis quamvis principaliter de rebus consideret, uoces tamen & sermones necessario etiam considerare habet, sed propter res ipsas. Cuius reiratio esse creditur, quod nunquam (ut Boëthius

dit)

dit) res à rerum significationibus, id est, sermonibus separatur, sed sunt inseparabiliter semper coiunctæ. Quoniam autem omnis disciplina suis & proprijs utitur uocabulis, quibus se prodere & manifestare, atq; sua sensa exprimere posse, oportet re uera, sicut uariae sunt discipline, uaria esse ipsarum uocabula, quibus saltē addiscantur ac comparentur. Ergo quoniam Logica (ut superius monstratum est) disciplina est signorum, id est, sermonum: necessè est, eius uocabula esse talia, id est, que signa & sermones significent, non res. Huiusmodi autem sunt Termini secundæ intentionis. At uero quia triplices sunt signorum, id est, sermonum discipline, scilicet Grammatica, Logica, & Rhetorica: triplices quoq; erunt tales termini: scilicet, Termini secundæ intentionis Logici, & non Logici, id est, aut Grammatici, aut Rhetorici, hoc est, qui uel ad Grammaticam, uel ad Rhetoricam pertinent. Exemplum de terminis Logisticis, ut Verum, Falsum, Affirmatum, Negatum, Subiectum, Prædicatum, &c. Exemplum de terminis Grammaticis, ut Adiectum, Substantiuū, Suppositum, Appositiū, Relatiū, Antecedēs, Nomē, Verbiū, Præpositio, Aduerbiū, Coniunctio, Interiectio, &c. Exemplum de terminis Rheticis: ut, Oratio que Rhetorice instrumentū existit: cuius partes sunt, Exordiū, Narratio, Diuīsio, Cōfirmatio, Cōfutatio, & Conclusio. Atq; hi termini sunt Secundæ intentionis, quia non res significat, sed signa. Fortè iā hic aliquis obieciet nobis, quod scilicet nobis metipsi contradicimus. Nam superius diximus, non recte in Grammatica uocabula et dictiones, Terminos Appellari;



lari: hic uero non modo in Grammatica sua uocabula, Terminos dicimus, sed et in Rhetorica id etiam facere conspicuum est. Responsio: Superius magis propriè nos loeutos fuisse de Vocabulis et Dictionibus, more eorum, qui Latinè loqui consueuerunt: hic uero non adeò propriè, sed communiter, et penè barbarè loquentes imitari. Maximè etiam hic in praesentia autoris nostri uestigia teneri ac sequi conuenit, qui hunc libellum non tam pro utilitate pulchrarum artium, quam pro necessitate currentium et uulgarium disciplinarum conscripsit: quales sunt haec disciplinæ, que nunc pañim traduntur, quarum etiam magistri et preceptores promiscue et sine discrimine Terminos uocant cuiuscunq; discipline uocabula. Quod tametsi in multis disciplinis usquequaq; aptè fieri constat, in Logica tamen haud inepte Termini appellari possunt, propter rationem superius assignatam, quicquid propositionis extremum, id est, aut subiectum aut predicatum esse potest. Et haec disciplina Rationalis dicitur, quod rerum rationes reddere posset: aut quod circa sermones præcipuè uestetur: Aôs enim Græc (ut Hieronymus quoq; testatur) modo sermonem, modo uerbum, modo rationem significat. Cuiusmodi sunt etiam Grammatica, et Rhetorica. Earum quippe consideratio præcipua circa sermonem quoq; consistit: sed non eodem modo quo et Logica. Sermo enim alias Congruus exigitur, de quo Grammatica præcipua curam agit: alias Verus, et de illo Logica speculationem habet: alias deniq; Ornatus, et hic Rhetorica est determinationis: unde et de eo Cicero in quarto nouæ Rhetorica abundè præcipit, differit, atq; disputat

spusat. Hæc autem omnia in textu per quædam solum uocabula sunt annotata, que sunt Grammatica, Logica, Rhetorica: item Congruum, Verum, Ornatum. Sub quibus eorum opposita comprehenduntur, scilicet Incongruum, Falsum, Inornatum, et rectè quidem. Nam in disciplinis unum oppositorum per alterum intelligitur: et rursus, Oppositorum eadem est disciplina.

Diuisio, est termini communioris in plures terminos minus communes diductio. Diductio, Partitio, Sectio, Distributio, idem.

Terminus communior est, qui altero plura significat. Minus communis, qui pauciora.

Diuisum, est terminus communior qui diuidatur. Membra diuidentia, sunt termini minus communes qui diuidunt.

QVANDO QVIDEM omnis uis Logicæ (ut Boëthius tradit) aut diuidit, aut definit, aut colligit, id est, argumentando concludit: perutile sanè fuit huic libello, qui in Logica introductorius iam sè penumero dictus est, de his quoq; rebus aliquid differere: hoc est, ostendere quid esset Diuisio, quid Definitio, postremò quid Argumentatio: que tria nunc hic per ordinem determinanda, atq; declaranda breuiter, introductorioq; modo suscipiuntur. Qui tamen de his rebus, id est, de diuisione, et definitione, et de argumetatione exactius, ac etiâ copiosius differe, atq; investigare uellet, huic licet in primis diu Seuerini Boëthij dignissima commentaria perlustrare, ac diligenter perspicere, quod et de Diuisione, et de Definitione propr



proprios atq; pulcherrimos tractatus conscriperit: mox hinc ad Aristotelem, qui fons huius disciplinæ est, modesto ac bene composito passu procedere. Cuius quidem Aristotelis pulchra Logica hactenus, iniuria credo tēporum, penitus neglecta, ideoq; minus etiam intellecta, nunc deum nostra ætate per Iacobum Fabrum Stapulensem hominem sanè doctissimum, omnium penè bonarum artium peritis simum recognita, atq; optimis commentarijs illustrata, in tantam lucem prodit, ut iam ferme priscam, & quasi natuam pulchritudinē recepisse videatur. Sed de ijs satis. Nunc ad ipsam Diuisionē accedamus. Diuiso est termini communioris, &c. Sciendum autem hic est, quod duplex est diuiso, Realis scilicet, & Logicalis. Et Realis quidem diuiso, est alicuius totius in plures partes partitio, ut ligni sectio, aut alterius cuiuspiam rei diuiso est Realis. Et per analogiam diuisionis Realis facile intelligitur diuiso Logicalis, de qua quidem hic nunc principiter agitur. Nam sicut in diuisione Reali est Totum, & Maius quod diuiditur, & partes minores in quas ipsum totum diuiditur: ita in diuisione Logicali est diuisum, quod & communius est, & Communior terminus dicitur: & membra diuidentia, que minus communia sunt, et Termini minus communes appellantur: ut cum dico, Animalium aliud homo, aliud brutū: Animal terminus communior est, quia diuisum: Homo, & Brutū membra diuidentia, quia termini minus cōmunes. Quod autē Animal sit terminus cōmuniōr, patet: quia plures significat quam Homo, plura itidē quam Brutum. Quicquid enim significat Homo, id etiam Animal significat, & adhuc amplius. Et quicquid significat

Diuiso.

Realis.

Logicalis.

Cat Brutum, id ipsum & amplius significat Animal. Ut autem quis terminus altero communior sit, facilius cognoscatur, talis datur regula: Omnis terminus communior de termino minus cōmuni uniuersaliter sumpto prædicatur, sed non contrā: ut, Omnis homo est animal, & non omne etiam animal est homo: Sic, Omne brutum est animal, sed non conuertitur, ut omne etiam animal sit brutum. Scindum quoq; hic est, quod licet membra diuidentia sigillatim & diuisim sumpta sint ipso diuiso minus communia, simul tamen per disiunctionem sumpta, sunt æquè communia ipsi diuiso, & cum ipso diuiso conuertuntur, ut quicquid est homo vel brutum, est animal: & quicquid rursum animal est, homo est vel brutum. Quemadmodum partes simul sumptæ & quantur suo toti, singula tamen scorsum sumptæ sunt ipso toto minores: ut, Quatuor & duo simul sumpta sunt sex: unumquodq; tamen scorsum, & per se sumptum, minus est quam sex. Nam neq; quatuor sex sunt, neq; duo: quanquam simul iuncta sex constituant, Hactenus de diuisione.

Definitio est oratio quid sit definitum conuertibiliter explicans.

Definitum est dictio, quæ à definitione conuertim explicantur. Conuersim, Conuertibiliter, idem.

Ea conuertibiliter dicuntur, quæ uniuersaliter de se inuicem & mutuo uerificantur.

D I V I S I O idcirco definitionem recto ordine præcedit, quod diuisiones quedam in disciplinis habent ut scalæ, per quas nunc sursum ascenditur, nunc descenditur deorsum, ad explorandum uidelicet quid proprium unicui



Conuertibili-  
ter.

unicuiq; disciplinæ sit, quid impropprium atq; impertinet: rursum quid reiciendum, quid amplectendum. Definitio-nes autem se habent ut lumina quedam, quibus postquam exploratum est, que sint cuiusq; discipline propria, & in tali disciplina summo pere consideranda, propria definitio-ne singula illustrantur atq; patescant. Hac itaq; ratione statim post Diuisionis determinationem, suscepta est declaratio ipsius Definitionis, que est oratio quid sit definitum conuertibiliter explicans: ut h.ec oratio, Animal rationale est definitio hominis: quia quid sit homo statim, & aperte, et conuertibiliter declarat. Conuertibiliter autem additur in definitione, ad designandum quod definitio & definitum uniuersaliter de se inuicem prædicari possint. Nam ut uerum est dicere, Omnis homo est animal ratio-nale: ita quoq; uerum est dicere, Omne animal rationale est homo. Et quoties quidem aliquid definitur, terminus qui copulam præcedit appellatur Definitum. Nam est di-  
ctio, que à sua definitione conuertibiliter explicatur. Oratio autem que post copulam sequitur, uocatur Defini-tio: quia est oratio quid sit definitum conuertibiliter explicans. Et omnis definitio propriæ dicta debet constare ex genere & differentijs, quod si differentiæ non sint nobis usquequaq; note, loco earum sumenda sunt ipsius definiti propriae passiones, siue accidentia propria, ut uult Aristoteles in primo de anima. Accidentia enim (inquit) magnam partem conferunt ad cognoscendum quod quid est. Quod si interdum assignetur definitio sine genere expresso, id plerunq; sit breuitatis causa, sed tam subintelligi debet: ut apud Porphyrium, Genus est

quod

quod prædicatur, &c. ibi subauditur genus definiti, quod est prædicabile. quod cum exprimitur, definitio talis com-pleta est ex uoce ex intellectu. Cum uero breuitatis cau-sa subticetur, intellectu quidem completa est, non etiam uoce. Quod ex in divisionibus sape accidit, ut pote quan-do genus dividitur in suas differentias, aut quando sub-iectum in accidentia dividitur. Tunc enim cum membris diuidentibus ipsum genus, siue subiectum, id est, diuisum repeti debet, ut sit integra diuisione: ut, Animalium aliud est animal rationale, aliud animal irrationale. Item: Ani-malium aliud est animal sanum, aliud animal ægru. Quod si diuisum cum membris diuidentibus non exprimitur, sed solum subauditur, ipsa talis diuisione non est plena secun-dum uocem, licet intelligentia sit plena atq; perfecta: ut, Vocabulorum alia significativa, alia non significativa: h.ec diuisione secundum uocem non est completa, quia diuisum cum membris diuidentibus non exprimitur: perficitur autem si ita fiat, Vocabulorum alia est vox significativa, alia vox non significativa. De diuisione quidem & definitione h.ec bre uiter dicta sufficiant. Nam exactior earum executio ali- bi exigi debet.

Argumentatio, est unius propositionis ex alia per consequentiae notam illatio. Argumentatio, Consequentia, idem.

Nota consequentiae, est coniunctio unam pro-positionem ex altera sequi denotans. Nota con-sequentiae, Nota illationis, idem.

Antecedens, est prima pars argumentationis, & alteram propositionem inferens. Antecedens, &

c Assum



## FUNDAMENTVM

Affumptum, idem.

Consequens, est argumentationis secunda pars,  
& quæ ex altera propositione infertur. Conse-  
quens, Conclusio, idem.

Maior, est prima pars antecedentis. Et, coniun-  
ctionem copulatiuam præcedens.

Minor, est antecedentis secunda pars, Et cōiunctio  
nem copulatiuā, aut eius æquivalentem sequens.

R E C T O ordine post diuisiōne & definitionem  
hic nunc tertio loco de Argumentatione quid sit inuesti-  
gatur. Nam hæc potissima Logica uis est, atq; pars, &  
ut principaliſſimum quiddam eorum quæ in Logica con-  
ſiderantur. Nam quæcunq; in Logica conſiderantur, eius  
ſoliuſ gratia tractantur, atq; ad ipsum tanquam ad ſco-  
pum omnia alia diriguntur atque referuntur. Eius autem  
facultas (ut Boëthio placet) tripli diuerſitate tractatur.  
Nam aut necessarijs argumentationibus diſputatio de-  
currit, & Disciplina ſue Demonſtratio nuncupatur; aut  
non ueris quidem, ſed probabilitibus, & Dialectica dici-  
tur: aut apertiſſimè falſis, & Sophistica ſue Cauiſato-  
ria perhibetur: uerum hec omnia quemadmodum ſeſe ha-  
beant atque ſint, ex Logica Aristotelis exactè & ple-  
niſſimè diſcuntur, ſi quis tantummodo modeſtè eam am-  
plectatur, & non omnia uniuersiſque glossatoris com-  
mentaria nimis anxiè & curioſe euoluere uelit: ſed digna  
ſolum, & quæ nitida ſunt, & pulchra, & propria, &  
quæ non excurrunt ad ſutiles & peregrinas queſtiones,  
ſed tantum quantum recta autoris intelligentia exigat,  
elaborant. Cæterum Argumentatio qua de nunc agitur,

per

## LOGICAE.

per analogiam propositionis hoc modo quæ eſt qualis ſit,  
& ex quibus partibus conſtet, facile diuinci potefit. Itaq;  
ſicut in propositione categorica tria ſunt, Subiectum ſci-  
licet, Prædicatum, & Copula: ita in argumentatione  
ſunt Antecedens, Consequens, & Nota illationis. Ante-  
cedens quidem in argumētatione eſt, ut ſubiectum in pro-  
positione: Consequens in argumentatione ſe habet, ut  
propositionis prædicatum: Nota uero illationis in argu-  
mentatione recte ſe habet, & omnino ut in propoſi-  
tione uerbalis copula. Nam ſicut hec prædicatum coniungit  
cum ſubiecto, ut ſit propositio: ita nota illationis con-  
sequens cum antecedente coniungit, ut ſit argumen-  
tatio. Cuius tale ſit exemplum, Homo eſt animal, ergo ho-  
mo eſt uerbiſta. Huius argumentationis propositio, Ho-  
mo eſt animal: eſt antecedens, quia eſt prima argumen-  
tationis pars, & quæ alteram propositionem infert: hec  
autem propositio, Homo eſt ſubiecta: eſt eiusdem ar-  
gumentationis conſequens, & ſecunda argumentationis  
pars, & quæ ex altera propositione infertur. Coniunctio  
uero quæ has duas argumentationis partes connectit, atq;  
unam ex alia, ſeu ad aliam ſequi facit, Nota illationis di-  
citur, eſtq; coniunctio rationalis Ergo. Similiter autem &  
cæteræ coniunctiones rationales, ut Ideo, Igitur, Itaque,  
& ſimiles, Notæ illationis dici poſſunt. Sciendum ue-  
ro hic eſt, quod in definitione argumentationis, ut in cæ-  
teris termini & uocabula indiferenter ſecundum nume-  
rum accipi debent, ut ſit ſenſus, Argumentatio eſt unius  
propositionis aut plurium ex alia, aut ex pluribus alijs  
illatio, Vnde ſicut quatuor modis contingit uariari Pro-  
positio

62



## FUNDAMENTVM

positionem penes extremorum complexionem & incomplexionem, ut sit primò tam subiectum quam prædicatum incomplexum, ut Homo est animal. Secundò subiectum quidem complexum, prædicatum autem incomplexum: ut, Homo albus est animal. Tertiò subiectum incomplexum, prædicatum uero complexum: ut, Homo est animal rationale. Quartò tam subiectum quam prædicatum complexum: ut, Homo albus est animal rationale. Ita Argumentatio quatuor quoq; modis uariari potest penes antecedentis & consequentis simplicitatem & compositionem, Primò ut sit tam antecedens quam consequens simplex, & utrumq; unica propositio: ut, Homo est animal, ergo homo est substantia. Secundò, ut sit antecedens quidem compositum, & ex pluribus propositionibus constitutum, consequens autem simplex: ut, Omne animal est substantia, & omnis homo est animal, ergo omnis homo est substantia. Tertiò ut sit antecedens simplex, consequēs uero compositum: ut, Homo est animal, ergo homo est sensibilis, & homo est substantia. Quartò, ut sit tam antecedens quam consequens compositum: ut, Omne animal est substantia, & omnis homo est animal, ergo omnis homo est substantia. Hi quatuor argumentandi modi designantur per vocabula artis, quæ sunt, Ex uno unum, Ex pluribus unum, Ex uno plura, Ex pluribus plura. Sciendum item est, quod non semper oportet consequens esse alterum ab antecedente secundum rem, sed interdum sufficit alterum esse secundum rationem, ut in hac argumentatione, Homo est animal, ergo homo est animal. Consequens hic re ipsa idem

est

## LOGICAE.

est cum antecedente, ratione tamen ab eo diuersum. Nam hæc propositio, Homo est animal, quatenus eam ipsam insert, Antecedens dicitur: quatenus uero ex ipsam et antecedente insertur, uocatur Consequens. Et nota quod antecedens (ut dictum est) aliquando est simplex & unica propositio, sed tunc in tali argumentatione neq; maior neque minor est. Sed quando antecedens compositum est, & ex pluribus propositionibus mediante coniunctione copulativa, aut ei æquivalente constitutum, tunc prima antecedentis pars Maior uocatur, secunda uero, que scilicet coniunctionem sequitur, Minor appellatur, ut in hac argumentatione, Omne animal est substantia, omnis homo est animal, ergo omnis homo est substantia. Aliquando etiam altera partium antecedentis, & ut plurimum Maior, speciali nomine Sequela dicitur, denotans sequelam unius ex alio, siue ad aliud, ex primitur huiusmodi sequela per uerbum optatiui modi mediante coniunctione si, ut in hac argumentatione, si omne animal esset irrationale, sequeretur quod omnis homo esset irrationalis, hoc autem est falsum, ergo & illud ex quo sequitur. Huius argumentationis maior, si omne animal esset irrationale, sequeretur, omnem hominem esse irrationalem, uocatur Sequela. Definitiones autem tam antecedentis quam consequentis, item maioris pariter & minoris, intelligendæ sunt ubique de parte principali, quæ ex principali copula facile dinoscitur.

Concedere propositionem, est ipsam ueram esse admittere.



## FUNDAMENTVM

Propositio uera est, quæ ut res est, ita significat.  
Negare propositionem, est asserere ipsam esse falsam.

Propositio falsa est, quæ aliter quam se res habet significat.

Distinguere propositionem, est ipsam multiplicem in plures sensus dirimere. Dirimere, Dividere, idem.

Propositio multiplex, est propositio diuersos habens sensus.

Antecedens, consequens, maior, minor.

Concedere consequentiam, est datam argumentationem bonam esse admittere.

Bona consequentia est, cuius si antecedens sit uerum, & consequens simul uerum esse est necesse.

Negare consequentiam, est asserere datam argumentationem esse malam.

Mala cōsequēntia est, cuius & si antecedēs sit uerū, non oportet eius consequens simul esse uerum.

Distinguere consequentiam, est ob aliquam diuersitatem ei accidentem, ipsam modō bonam, & modō malam esse ostendere.

OMNIS argumentatio ex propositionibus constat, propositiones item ex terminis. Et quia (ut superius dictum est) Argumentatio generaliter accepta, quo modo hic accipitur, & Consequentia idem sunt. Consequēntia autem alia bona est, alia mala: uidendum hic primum est, quæ sit huius rei causa, quod scilicet alia sit consequēntia bona, alia uero mala: an' ne hoc sit propter propositiones

nes

## LOGICAE.

nies ipsas, ex quibus constituitur, an ob aliquam causam: ex Aristotelis elenchis duplex huius rei causa inuenit: quia aut in forma peccat argumentatio, aut in materia: Interdum etiam utrumq; in culpa est simul. Quādo ergo in forma argumentatio siue consequentia peccat, hoc est, quando non obseruatur debita argumentandi forma, ipsa simpliciter neganda est. At de modo quidem respondend: postea latius tractabitur. Quæ sit autem debita argumentandi forma, ubiq; ex Logica Aristotelis cognosci potest, praesertim tamen ex ijs libris, qui Priora Analytica inscribuntur. Consequentia uero in materia pecatur, quando ex propositionibus falsis connectitur. Propositiones autem false sunt, quando aliter quam res sepe Propositiones, habet significant: ut hæc est falsa, Homo est lapis. nam aliter quam res est significat. Rursum propositiones uerae sunt, quæ ut res est, ita significant, ut hæc uera est, Homo est animal. Nam ita in re est. Sed notandum, quod non solum propositiones uerae sunt, quæ ut res est ita significant: uerum etiam quando non ita est in re, sicut ipse significant non esse: ut hæc quoq; uera est, Homo non est lapis. Sed hæc particula negatiua comprehenditur in litera sub particula affirmatiua, per regulam quæ dicit, Negatio sub affirmatione comprehenditur, & per affirmationem intelligitur negatio. Ulterius hic etiam Regula, notandum est, quod sub uerbo presentis temporis scilicet Est, intelliguntur & copule aliorum temporum, scilicet Fuit, Erit, & Potest esse: & recte quod autores sub uno similiu alia consimilia comprehendere soleant,

c 4

Opus



Et pauca exprimentes, multa tamen subintelligi uelint, ab ijs sanè, qui rectam intelligentiam querunt, facile cognoscenda. Itaq; propositio de præterito uera est, quæ ut res fuit, ita fuisse significat: ut, Adam genuit Abel. Et propositio de futuro uera est, quæ ut res erit, ita fore significat: ut, Sol orietur cras, et ita de alijs per analogiam. Atque hæc quidem intelliguntur de propositionibus, in quibus copula importat tempus. Nam in ijs propositionibus quarum copula absolutur à tempore, et nullam prorsus differentiam temporis designat, propositio uera esse dicitur, quæ ut res nata est, esse significat, ut hæc propositio nihilominus uera est, Tonitruum est sonus, nullo etiam existente tonitruo. Item et hæc uera est, Triangulus est figura habens tres angulos æquales duobus rectis, etiam quanvis nullus esset triangulus ob eam scilicet causam, quod ad huiusmodi propositionum ueritatem non requiritur necessariò rei significatae existentia, sed sufficit naturalis rei aptitudo. Et æquè uera sunt tales propositiones, siue res ipsa existat, siue minime, apta tamen nata existere. Suntq; tales omnes disciplinarum propositiones.

Propositio multiplex.

Interdum etiam propositio aliqua nec uera simpliciter est, nec simpliciter falsa: et hæc propositio Multiplex dicitur, eo quod multis et diuersos sensus habeat, quod quidem ut plurimum contingit, propter terminorum æquiuocationem, id est, multiplicem eorum significationem. Atque hæc talis scilicet propositio toties ab ipso respondente distinguenda est, quoties inter ipsum et propositionem, opponētem disputatio agitur. Distinguere autem pro-

posi-

positionem respondens dicitur, quando eam ipsam multiplicem ostendens in plures sensus dirimit, id est, diuidit, et distribuit, ut hæc propositio, Omnis canis est animal, hoc modo distinguitur: Si eius subiectum Canis, accipitur solum pro omni cane, aut domestico aut æquoreo, ipsa est uera et concedenda. Si uero tam pro cane domestico et æquoreo, quam pro cane coelesti, id est, pro quodam sive re coelesti, falsa est et neganda. Conceditur autem propositio à respondentे, quando uera esse admittitur. Negatur uero, quando assertur esse falsa. Quatuor autem uocabula in textu adiecta et uirgulæ distincta, scilicet, Antecedens, Consequens, Maior, Minor, denotant, quod hæc tria uerba Concedere, Negare, Distinguere, ad quodlibet eorum pro exigentia applicare possumus, hoc modo, Concedo antecedens, Concedo consequens, Concedo maiorem, Concedo minorem: atq; ita de alijs duobus uerbis suo modo. Porro consequentia conceditur, cum ipsa admittitur conceditur, esse bona: ut, Homo est animal, ergo homo est substantia. Non enim potest hæc uera esse, Homo est animal: et hæc simul falsa, Homo est substantia. Negatur autem consequentia, quando ipsa assertur esse mala: ut, Homo est sedens, ergo equus est ambulans: quia non oportet, si homo sedeat, equum protinus ambulare, et si accidat nonnunquam, simul et hominem sedere, et equum ambulare: non tamen sese consequuntur, quasi alterum alterius sit causa, quod tamen ratio bonæ consequentiae exigit. Vnde bonitas consequentiae non ex eo pendet, quod antecedens uerum est, simul et consequens uerum: sed ex necessaria ipsius ante-

c

s

ced



42

## FUNDAMENTVM

cedentis ad ipsum consequens habitudine. Potest quippe bona consequentiae antecedens esse uerum, pariter et consequens: ut, Homo est animal, ergo homo est substantia. Potest et antecedens esse falso, consequente existente uero: ut, Homo est equus, ergo homo est animal. Denique potest antecedens esse falso, et consequens itidem falso: ut, Homo est equus, ergo homo est irrationalis. Sed nunquam potest antecedens esse uerum, consequente existente falso, quod et ipsa etiam definitio bona consequentiae proponit. Ita quoque inualiditas consequentiae non evenit ex falsitate aut antecedentis aut consequentis, sed ex eo quod antecedentis ad consequens nulla est habitudo necessaria. Potest siquidem male consequentiae tam antecedens quam consequens esse uerum: ut, Homo est, ergo equus est. Potest rursum et antecedens esse uerum, consequente autem existente falso: ut, Homo est animal, ergo homo est brutum. Preterea, potest antecedens esse falso, et consequens uerum: ut, Nullus homo est, ergo equus est. Denique potest tam antecedens quam consequens esse falso: ut, Nullus homo est, ergo nullus equus est. Nos tandem autem, quod haec due definitiones scilicet bona et mala consequentiae, tantam habent ueritatis necessitatem, ut non modo uerisimiles sint, sed et prima etiam Logica principia haberi debeant. Quocirca earum probatio nullo pacto querenda est, cum nullas habeant propositiones ante se manifestiores per quas probari possint. Proinde obiectiones que contra eas fuit, sophisticae sunt. Et penitus inualidae. Sed de his nihil in presentiarum. Atque etiam quemadmodum consequentia distingui de-

beat.

## LOGICAE.

43

beat, breuiter dicamus. Distinguitur autem consequentia, consequentia cum propter aliquam uarietatem in ea existentem, ipsa ostenditur, aliquando bona esse, et aliquando mala: ut exempli gratia sit haec consequentia, Omne animal est sensibile, igitur omnis canis est sensibilis: haec consequentia hoc modo distinguenda est, si in consequente Canis accipitur solum pro cane aut domestico aut marino, ipsa bona est et concedenda, eiusque consequens uerum, sicut et antecedens. Si uero in consequente Canis accipitur etiam pro cane coelesti, id est, pro quodam sidere, ipsa mala est et neganda, cum eius antecedens sit uerum, consequente existente falso.

## SEQVNTVR REGVLAE.

## I. REGVLA.

In disciplinis aequiuocatio summopere fugienda est.

QVI A ut in proverbio est, Erroris mater fuit aequiuocatio semper, prima regula proponit atque monet, aequiuocationem, et multiplicem terminorum acceptionem a disciplinis esse reiciendam. Nam quamvis dictio, siue uocabulum multiplex sit, querenda tamen est unica et praecipua eius significatio, quam ipsi autores eo in loco principaliter intendunt, alia autem omnes interim remouenda. Ut enim diuersitas multarum uiarum in unum concurrentium uiatorem ambiguum reddit, qua scilicet sit sibi potissimum eundum, quod elegantissime hoc disticho in Fa-  
stis suis annotauit Ouidius:

Vt stat, et incertus qua sit sibi nescit eundum,  
Cum uidet ex omni parte uiator iter;

I



44

## FUNDAMENTVM

Ita quoq; diuersitas & multiplicitas significationū unius eiusdemq; dictionis intellectum hominis in dubitationem adducit, de qua significatione præcipue sermo agatur.

## I I. REGVL A.

In prædicationibus doctrinalibus, termini significatiue, & non materialiter accipiuntur.

H A E C regula proponit, in prædicationibus doctrinalibus terminos non materialiter, sed personaliter, id est, significatiue accipiendos esse: ut, Nomē est pars oratiois cum casu corpus, &c. item: Punctū est magnitudinis extrenum, cuius pars non est. item: Virtus est habitus in mediocritate consistens. Similiter omne ens naturale est mobile, aut generabile, aut corruptibile, &c. Item Syllogismus est oratio in qua quibusdam positis, &c. In ijs enim omnibus predicationibus termini personaliter supponunt. Vniuersaliter autem predicationes doctrinales sunt propositiones, in quibus aut definitio de definito, aut superius de inferiore, aut propria passio de subiecto, aut alioquin aliiquid accidentis proprium prædicatur. In quibus ergo predicationibus termini accipiuntur materialiter? Responso: Quoties terminus secundæ intentionis prædicatur de termino primæ intentionis, ut Ioannes est nomen, Amo est uerbum: item, Homo est species, Anima est genus.

## I I I. REGVL A.

Termini Singulares à disciplinarum consideratione sunt reiecti.

T E R M I N I singulares idcirco à disciplinis reieciuntur, quod res singulares pariter & rationem singularem denotant. Et proinde sicut res singulares non sunt

perpet

## LOGICAE.

45

perpetuae, imò uix etiam ad momētum perdurantes, ita rationes tales, id est, singulares rerum qualitates, & notiones, breui tempore transeunt, & cum ipsis rebus esse desinunt. Disciplinæ autē eorum sunt, quæ perpetua sunt, & incorruptibilia, id est, perpetuae & incorruptibilis ueritatis, quales sunt disciplinarum propositiones ex terminis communibus constitute. Communes quippe termini & si res significant singulares (nam nulla res uniuersalis est) & per hoc corruptibles, rationes tamen important uniuersales, id est, qualitates & notiones communes, quæ quidem esse non desinent, dum rerum natura stabit: imò uero sicut forte nec unquam incepérūt esse, ita nunquam esse desinent. Et exinde propositiones ex talibus terminis constitutæ perpetuae dicuntur: id est, quarum ueritas, sicut nec aliquando incepit, ita neq; unquam desinet, etiam simile forte propositiones formentur. Sed hæc et talia nunc hic tractare altius aliquid est, quam præsens introductio postulat. Qui tamen capere possunt, capiant. Ex prædictis igitur facile colligi potest, terminos singulares à disciplinis esse reieciendos: quod nec disciplinarum principia, neq; earum conclusiones, quæ ex ipsis principijs demonstrantur, ex talibus terminis constituantur. Siquidem disciplinæ infra specialissima non descendunt usque ad individua. Non tamen negauerim eos quoquo modo in disciplinis considerari, sed non principaliter, uerū id ex incidenti & per accidens solum contingere, utpote cùm uniuersale ignotum fuerit. Tunc enim ex singularibus uniuersale colligitur per inductionem scilicet, quæ accessione quadam est ex singularibus ad ipsum uniuersale.

Verum



46

## FUNDAMENTVM

Veruntamen ad demonstrationes (que disciplinas par-  
riunt) nihil conducunt, nisi illo modo, ut dictum est.

## III. REGVLA.

Termini Logici in secundæ intentionis significan-  
tia sunt accipiendi.

H A E C regula docet, Logicos terminos in secundæ intentionis significantia, id est, secundæ intentionis litarē esse accipiendos. Et licet aliam etiam significationem habeat, in qua sunt termini primæ intentionis, secundum illam tamen acceptiōē non considerantur in Logica. Cuius ratio est, quod Logica principaliter de signis repräsentatiis determinat: id est, ut Boëthius ait, de nominibus designationis.

## V. REGVLA.

In disciplinis omnia expetenda sunt secundum materiam subiecti.

O P T I M A sane regula, quæ monet ita nos pulchras disciplinas tractare debere, ut nihil interim, dum traduntur, extraneum & peregrinum inducatur, sed secundum autoris mentem ex propositione purè & aperte omnia declarare. Quod quidem si ita multis obseruaretur, non fierent tam extortæ & impertinentes autorum expositiones, quales proh dolor nunc fieri conspiciuntur, cum Logica metaphysicæ, & physica Logicæ, & metaphysica non metaphysicæ explicantur. Vnde demum maxima in disciplinis & scientijs confusio orta est, & barbaries. Igitur iuxta regulam, in Logica omnia Logicæ sunt consideranda atq; intelligenda, & in Physica Physicæ, & in Metaphysica metaphysicæ & diuinæ,

VI.

## LOGICÆ.

47

## VI. REGVLA.

Dictio in genitiuo, partitionis notam præcedēs, est diuisum: quæ uero sequuntur, membra sunt diuidentia. Nota partitionis, est dictio partitua in diuisione posita: ut, Aliquis, Alius, Hic, Ille.

H A E C regula ex superioribus planè patere potest. Sit tamen exemplum, ut Animalium aliud homo, aliud brutum: item, Propositionum hæc quidem uera est, illa uero falsa. In his duabus diuisionibus genitiuus pluralis utrobique est diuisum, & nominatiū singulares utrobique similiiter sunt membra diuidentia. Et re uera nihil refert siue diuisum in genitiuo plurali, siue in nominatiuo etiam singulare exprimatur. Veruntamen communiter in genitiuo plurali diuisum exprimitur. Sed in his semper boni & probati autores sunt imitandi.

## VII. REGVLA.

Quod ad quæstiuum, Quid, de aliquo conuenienter respondetur, est definitio, & quod interrogatur, est eius definitum.

E X E M P L U M huius regule sit, Q uærat quispiam, Quid est subiectum: respondeatq; alter, Propositionis extrellum, copulam verbalem præcedens. Hic illud, quod in responsione ponitur, est definitio: illud autem quod in questione cum signo quæstiuo ponebatur, est definitum. Et capitur hic quæstiuum Quid, ut est quæstiuum definitionis, & non ut est quæstiuum prædicabilis superioris, scilicet de inferiori: quo modo cum queritur, Quid est homo: conuenienter respondetur, Est Animal. Atque hoc secundo modo à Porphyrio in suis prædictabilis



48

## FUNDAMENTUM

cabilibus ubiq; accipitur.

## VIII. REGULA.

Cum definitum de aliquo per quæstituum. Quare interrogatur, protinus respondenda est eius definitio.

H A E C regula tali exemplo declarari potest: queratur, Quare huius propositionis, Homo est animal, terminus Homo, est eius subiectum? Aptè respondetur, Quia est extremum copulan uerbalem precedens. Ibi enim definitum, puta subiectum, queritur de aliquo, utpote de termino, qui est Homo, per interrogatum Quare. Rectè ergo respondetur, definitio. Est enim definitio prima & precipua causa, quare definitum alicui aut conueniat aut non conueniat, & idcirco aptè semper respondetur. Vnde quemadmodum ad definitum affermatiuè interrogatum respondetur definitio affirmatiuè: ita ad definitum negatiuè interrogatum, respondenda est definitio negatiuè.

## IX. REGULA.

Omnis definitio per applicationem eius ad uaria exempla, particulatim declaranda est atq; intelligenda.

H A C regula monemur, ut pro cuiuslibet definitionis intelligentia uaria adducantur applicenturq; exempla, quibus singula definitionis particulae fiant tandem euadantq; manifestæ. Contingit siquidem nonnullas definitiones uarias particulas continere, quod quidem tunc maxima fieri constat, cum per coniunctionem disiunctiuam dantur ipse definitiones; ut exempli gratia, cum ipsa

Proposi

## LOGICAE.

49

Propositio definitur, quod est oratio uerum falso'ue significans, danda primum est pro exemplo oratio, que solum uerum significet: deinde alia, que tantum significet falso'. Sed haec ex superioribus repetita facilius intelligi possint.

## X. REGULA.

Propositio notæ illationis præposita, est ipsius argumentationis antecedens: postposita uero, eius est consequens.

P E R hanc regulam edocemur, quibus nominibus argumentationis partes appellari debeant: partes inquam propinquæ, & quæ immediatè ipsam argumentationem componunt. Sitq; pro declaratione regula exempli, Homo est animal, ergo homo est substantia. In hac argumentatione pars illa quæ est, Homo est animal, uocatur Antecedens; pars uero illa quæ proponit, Homo est substantia, Consequens uocatur: quod uidelicet notam illationis consequatur. Et intelligitur precipue haec regula, quod nota illationis est coniunctio rationalis, ut sunt, Ergo, Ideo, Igitur, &c. Nam si nota illationis fuerit coniunctio conditioinalis, sic non est necesse ita semper euenire. Verum pars illa argumentationis quæ immediatius cum ipsa coniungitur, Antecedens dicitur, alia Consequens. Coniungitur autem immediatius pars illa cum qua coniunctio Si, aptius construitur: atq; ideo nihil interest, siue dicas, Si homo est animal, homo est substantia: siue ita, Homo est substantia, si homo est animal. Nam utrobiq; haec proposicio, Homo est animal, intelligitur esse Antecedens: propter ea quod immediatius coniunctio Si, ei adhaereat.

d XI. RE



## FUNDAMENTUM

## X I. REGVLA

Ad argumentationem et quæstionem ne respondeas, prius quām repetueris illā. Nam præceps & impræmeditata reponsio carere uitio non solet.

Quæstio, est cum nota interrogationis sumpta dubitabilis propositio. Notæ interrogationis sunt, Cur, Quare, Quid, An ne, Vtrum, & similes.

R A T I O huius regulæ est, quia cùm argumētatio aut quæstio proposita resumitur à respondēte, melius interim ab eo intelligitur. Et si inter resumendum respondēs fortè errauerit, satisq; non bene intellexerit, dirigi ab opponente potest, atq; solet plerunq; si saltem modestus est, et non nisi informationis gratia respondentem circumuenit. Insuper interea cōceditur respondenti tempus præmeditandi, ex cogitandiq; argumentationis solutionem, aut rectam quæstionis propositæ responsionem. Quocirca discant quotidie iuuenes argumentationis quæstionisq; resumendæ consuetudinem assumere: Alioquin non sine erroris periculio respondere tentabunt. Scindum autem quòd hic definitur Quæstio doctrinalis, id est, quæ ad doctrinam aliquam pertinet: ad quam quidem duo requiruntur. Primum, quòd sit propositio dubitabilis, hoc est, nata dubitari. Quare propositio aut manifestè uera, aut etiam manifestè falsa, non aptè ad quæstionem proponitur. Vnde stulta est quæstio, si queratur, Est'ne totum maius sua parte? Et, Vtrum homo est lapis? Secundò requiritur, quòd huiusmodi propositio sumatur cum signo interrogatiuo, qualia sunt quæ in litera ponuntur. Verum hæc clariora sunt, quām ut hic iam longius immoremur.

X II.

## LOGICÆ.

## X II. REGVLA.

Proposita ab opponente argumentatione, & eadem à respondentे semel repetita, ad singulas eius partes iterum sigillatim resumendas qua proposuntur serie, particulatim est respondendum. Modi autem respondendi sunt tres, Concedere, Negare, Distinguere.

H A E C regula ostendit, quis ordo maximè seruandus sit ab ipso respondentе in solutione alicuius argumentationis propositæ. Debet enim primò tota argumentatio resumi, quemadmodum præcedens regula admonuit. In qua quidem repetitione summopere evitandum est, ut in eadem forma repetatur, qua ab opponente fuit proposita. Deinde & secundo loco quælibet pars sigillatim est repetenda, & ad eam particulatim respondendum, ita ut primo quidem maior per se repetatur, ad eamq; apta adhibeatur responsio: dēinde uero minor. Postea quoq; resumendum est ipsum consequens, & ad ipsum similiter respondendum. Postremò uero ad consequentiam etiam ipsam apta est adhibenda responsio. Modi autem respondendi, quibus in solutione danda uititur respondens, sunt tres, ut satis in litera patet. Nam aut concedere debet propositionem, quæ in argumentatione proponebatur, aut negare, aut distinguere.

## X III. REGVLA.

Omnis propositio ab opponente proposita, cum peculiari suæ denominationis, ut antecedentis, consequentis, maioris, aut minoris expressione à respondentе est concedenda, neganda, aut distinguenda.

d 2 Oppo



## F U N D A M E N T U M

Opponens est, qui alteri argumentum proponit, negatum probat, & datam solutionem sequenti obiectione impugnat.

Respondens est, qui argumentationem ab altero propositam diluit & dissoluit.

S I T proposita ab opponente argumentatio, Omne animal est sensibile, & omnis canis est animal, omnis igitur canis est sensibilis. Hanc argumentationem totam quidem ipse respondens primò resumere debet, deinde secundò atq; iterum eam ipsam sigillatim & per partes repetere, & ad quamlibet interim partem respondere modo quo supradictum est, necnon insuper peculiari & propria uniuscuiusq; partis expressione, hoc est, sua denominazione aut concedere eam, aut negare, aut distinguere. At hæc quo pacto fieri soleant aut debeant, ex frequenti quadam exercitatione citius deprehenduntur, quam quod hic nunc pueriliter omnia annotarentur. Interim tamen pretereundum non est, que & quot sint ipsius opponentis officia. Sunt autem tria, ut ex eius definitione facile est colligere. Primum itaq; eius officium est, argumentum contra respondentis propositum inuenire atq; obiecere. Secundum, propositionem sue obiectionis à respondentे negatam probare. Tertium, solutionem factæ obiectionis à respondentе datam, alia obiectione impugnare, quod uulgò Replicare dicunt. Officium autem respondentis unum est duntaxat, idq; est, obiectionem toties ab opponente propositam soluere; quod quidem sit cum aut negat, aut distinguat, & argumentationem malam esse ostendit.

X I I I I .

## L O G I C A E.

53

### X I I I I . R E G U L A.

In disputatione, propositio uera est concedenda: falsa, neganda; & multiplex, distinguenda. Itidē consequentia bona est concedenda: mala, neganda; & multiplex, distinguenda.

Disputatio, est mutuæ exercitationis gratia de aliquo proposito duorum disceptatio.

H I V S regulæ intelligentia satis superq; ex supradictis haberi potest, preterquam quod in ea ponitur Disputatio, & proinde mox etiam paulò infra quid sit Disputatio quam breuissime subiungitur. Sciendum autem, quod definitio disputationis data est per tria genera causarum, primò quidem per causam materialem, utpote circa quam uersatur cum dicitur De aliquo proposito. Nam Propositum hic nihil aliud est, quam propositio, qua respondens uerum defendit, & opponens impugnat, quam uulgò Positionem uocant. Secundò per causam efficientē, cum dicitur, Duorum, scilicet opponentis, et respondentis. Neq; uero hic nomen Duorum denotat numerum disputationis (possent enim plures duobus inter se disputare) scilicet exercentium ipsius disputationis officia, que (ut dictum est) duo sunt tantum, scilicet officium opponentis, & officium respondentis. Quod si quis apud se disputet, is re ipsa quidem unus est tantum, ratione autem duo, cum uicissim duorum interim fungatur officio, scilicet nunc opponentis, nunc respondentis. Tertiò uero data est definitio disputationis per causam finalem cum dicitur, Mutuae exercitationis gratia. Nam ad hunc finem adolescentium disputatione ordinari debet, ut ex mutua scilicet exercita-

d 3 tione



tione evadant promptiores. Atq; ita nunc etiam quid sit Disputatio patet. Thomas autem ille Aquinas, & Petrus Hispanus, uiri eiusdem ordinis ac religionis, uter uero altero prior fuerit nescio, ita aliter ipsam disputationem definiunt, Disputatio est actus syllogisticus unius ad alterum, ad aliquod propositum ostendendum. Sed magis placet definitio autoris nostri: et si tam haec quam illa Sophistis magis sit accommodata. Et re uera disputare isto modo magis puerile aliquid est, & puerorum sepe iniucem exercitantium, quam uirorum. Vnde & illud Augustini hic nunc haud ab re adiiciendum puto, quo quid in disputando obseruandum sit, et quo usq; disputandum rectissime nos ipse premonet. Disputationis (inquit) disciplina ad omnia genera questionum penetranda & dissoluenda plurimum ualeat. Tantum ibi cauenda est libido rixandi, & puerilis quedam ostentatio decipiendi aduersarium.

## XV. REGULA.

Cum argumentandi respondendi & promptitu do potissimum usu ac exercitatione (quemadmodum ars omnis & doctrina) paratur: ut a primis dialecticæ rudimentis adolescentes disputationi assuecant curandum est. Exercitatio, est frequens & assidua unius eiusdemq; rei usus.

HAEC est ultima huius libelli regula, ratione reddens, cur adolescentes Logicā audituri frequenter in disputando se exercere debeant, idq; ut faciant præcipue monet. Nam ex crebra frequentijs disputandi exercitatioē acquiritur in eis quedam prædictudo soluendi pariter & respondendi ad quodvis propositum: quæ quidem promptitudo, soluēdi scili

scilicet & respondendi, non nisi assidua exercitatione comparari potest. Imo uero nec ullia ars perfectè haberi potest, nisi frequenti usu. Quapropter ueteres ipsum usum rectæ doctrinæ patrem dixerunt: & in commentarijs quoq; suis Caius Cæsar, Vsus (inquit) rerum magister est. Vnde & rectè quidam etiam ait, Vsus cunctarum rerum pater & magister. Quanta autem uis ipsius Vsus sit, simul & Con suetudinis, non facile dixerim. Nempe hic res etiam ipsas à naturali suo instinctu quodam modo desciscere facit, nec non & quæ factu alioquin difficilia sunt, ad facilitatem quandam disponit. Quid Tibullus haud insuavis poëta tali disticho elegantiissime designauit, ita inquiens:

Longa dies homini docuit parere Leones:

Longa dies molli saxa peredit aqua.

Quod ergo cum ita sit, admonendi sunt sepius ipsi adolescentes, ut non modò disputationis, uerum etiam omnium aliorum quæ scire ac discere uoluerint, exercitationem in primis habeant, modò ad perfectam scientiarum cognitionem aspirare & peruenire uelint, ita ut exempli causa dicam, Exercitatio scribendi nihil aliud est, quam frequens & assidua scriptio: & cithara pulsandi exercitatio, quam crebra sepiusq; iterata cithararum pulsatio.

Postremò autem exercitatio Latine loquendi quid aliud est, quam frequens & continua secundum regulas & præcepta artis Grammaticæ locutioē. Atq; ita de alijs quoq; permultis rebus ac studijs.

FINIS.



BASILEIA

Intelligite hec qui obsecris animi deum, ne quod  
rapiat, et non sit qui eripiat.

Vide apud Vencontiu. fo. 23.

ad hoc vocat P. audi Gene ex  
pli catam

Tertullus si dicit uero appellat  
hymnorumque ex his manuerunt p[ri]me  
ad me esse



1  
0 1 2 0 7  
3 2 3 3 6  
9 9 9 9 9 L 2 2 4 L  
1 4 4 4 1  
3 3 3

me uno ut reg  
derplur su nunc  
sic ibo, qui q  
statad q mact  
uer moue, hoc e  
t molle m h  
vlt acc mact  
et rur me

me uno ut reg  
derplur su nunc  
sic ibo, qui q  
statad q mact  
uer moue, hoc e  
t molle m h  
vlt acc mact  
et rur me

lme  
Be de valla. 1556

Barolome de valla.

1556

